

ՀՆԴԱՐՁԱԿՈՒԹԻՒՆ ԵՒ ԽԱՂԱՂՈՒԹԻՒՆ

(Թարգմանուած Ռուզվէլտի «Գործունեայ Կեանքը» գրքից)*

Մեր ամենամեծ բանաստեղծներից մէկը գրած է...
«Քաջ եղիր, քաջ եղիր, ամենուրեք քաջ եղիր.
Շատ արի մի եղիր, բայց աւելի լաւ է առաւել
Քանի թէ նուազ. աւելի լաւ է շատ քան թէ բիշ»:

Լոնգֆէլօյի խաղաղութեան սէրը անհուն էր, բայց նա
մի մարդ էր և մի իմաստուն մարդ, գիտէր որ վախկոտութիւ-
նը խաղաղութիւն յառաջ չի բերի և պատերազմի չարիքը կա-
րող է թիւ չարիք լինել, քան թէ անիրաւութեան քծնիլը:

Կապիտան Մաճանը, որից արժանի մեր երկրի մէջ ուրիշ
մէկը չկայ, որին կարելի է յարմար կերպով յատկացնել «Քրիս-
տոնեայ Պարոն» գեղեցիկ և բարձր կոչումը և որը անկարող
է մի որևէ սխալ կամ անարդ գործ պաշտպանելու, լինի այդ
ազգային թէ անհատական, արտայայտում է խոհուն, ազնիւ
և քաջ մարդկանց մեծամասնութեան զգացումները, երբ նա
դատապարտում է «խաղաղութեան անխտիր պաշտպանութեան»
մեծ վտանգը. որովհետև այդ կարող է առաջնորդել մարդկանց
անիրաւութեան հետ միջամուխ լինելու, անարդարութեան հետ
համաձայնելու, հանգստացնելով իրենց զգացումը, այն հաւատ-
քով՝ թէ պատերազմը այնքան վատ է, որ նրա փոխարէն զերա-
դասելի է ուրիշ չարիք—սխալ է: Զեղ ապացոյց Հայաստանը ու-
ներէտիւն: Պատերազմից խոյս է տուել, բայց ինչ կարող էք ա-
նուանել այն ազգային խղճմտանքը, որը տեսաւ այդպիսի ան-
արդարութիւն ու ձեռքը ցած պահեց—լոեց:

Խաղաղութիւնը մեծ բարիք է. և ուստի կրկնակի ֆլամա-
կար է այն մարդկանց ընթացքը, որոնք պաշտպանում են դրան-
այն կերպով, որ նմանեցնում է չարիքի գոյութեան դէմ պա-

*) Տպում ենք այս յօդուածը իբրև մի հզօր պետութեան ղեկավարի-
հայեացքները լաւ ընորոշող մի գըութիւն: Ծ. խմբ.

ներում, իբրև բողոք պատերազմի գէմ։ Միութիւնը վերականգնելու համար հարկաւոր էր չորս տարուայ արիւնահեղ պատերազմը զինուած թշնամու հետ, որին օգնում էին ամեն քայլափոխում խաղաղութեան ինքնակոչ պաշտպանները։ Բայց հետեանքը այն է եղել, որ այս երկրի խաղաղութիւնը պահով կերպով հաստատուած է։ Եթէ կարճատես խաղաղութեան պաշտպանները մի բոպէ իրենց ուզածը անէին և անջատումն իրականացած լինէր, ոչինչ չէր կարող Հիւսիսային Ամերիկայի աւերիչ պատերազմի կրկնման առաջն առնել, որը երեք քառորդ դար սովորութիւն եղաւ Հարաւ. Ամերիկայում, Սպանիայի լծից ազատուելուց յետից։ Մենք ազատուեցանք երկարատես անիշխանակութիւնից և արիւն թափելուց, որովհետեւ մեր նախահայրերը, որոնք օգնեցին Լինկոլնին և հետևեցին Գլուրանտին, մարդիկ էին բառի բուն նշանակութեամբ լաւ դատողութիւն ունէին, չմոլերացան այն մարդկանց քարոզներովը, որոնք պնդում էին թէ պատերազմը միշտ սխալ է, և իրենց ոգու մէջ եղած առաջինութեան մեծ պաշարովը կարողացան այնպէս գործել, որոնցից թուլակազմ մարդիկ զարհուրած քաշւում են։

Պատերազմը կրթուած, լուսաւորուած հասարակութեան մէջ շատ սոսկալի է և երբ մարդիկ հետզհետէ աւելի լուսաւորուեն, մենք պատճառ ունենք ոչ միայն յուսալու այլ և հաւատալու, որ նա կամաց-կամաց հազուագիւտ պիտի լինի։ Մինչև անգամ լուսաւորուած ժողովրդի մէջ, երբեմն հարկաւոր է լինում սուրը վերցնել, անիրաւունք լծի տակ չմտնելու համար, ինչպէս փորձառութիւնը ցոյց տուեց մեզ 1861 թուին։ Բայց ներկայ դարի ընդհանուր պատմութեան մէջ նշանաւոր եղել է լուսաւորուած ած ազգերի մէջ պատերազմի նուազելը։ Հազի խաղաղութեան ժողովը այդ նշաններից մէկն է, ես այն մարդկանցից մէկն եմ, որոնք հաւատում են որ շատ բան արուեց այդ համաժողովի մէջ և ես հպարտ եմ զգում մեր ներկայացուցիչների այդ տեղում բռնած առաջնորդող դերի վրայ։ Կողմնակի կերպով թոյլ տուէք ինձ յիշելու, որ նրանց այդ առաջնորդող դեր բռնելու գլխաւոր պատճառը, մեր Սպանիացոց հետ ունեցած իրաւացի պատերազմում յաղթող հանդիսանալն էր Տկար կամ վախկոտ խաղաղութիւն բարբաջողներին քիչ ուշադրութիւն է տրւում, բայց աւելի ուշադրութիւն է տրւում այն մարդուն, որը սուրը ձեռքում բազուկները ծալած խաղաղութիւն է քարոզում։ ոչ թէ անարդ մոթիւներից, ոչ թէ վախից կամ իր ուժի վրայ անվատահ լինելուց, բայց բարոյական պարտականութեան խորն զգացումներից դրդուած։

Բայց և այնպէս ազգերի մէջ խաղաղութեան աճումը

սահմանափակուած է միայն նրանց մէջ, որոնք լուսաւորուած են: Խաղաղութիւնը կարող է տիրել միայն այն ժամանակ, երբ երկու կողմն էլ պատերազմի համար միևնոյն ոգին ունեն: Մի բարբարոս ազգի համար, խաղաղութիւնը բացառիկ պայման է: Լուսաւորութեան և բարբարոսութեան սահմանի վրայ պատերազմը բնական է, որովհետև այդտեղ բարբարոսութեան պայմանների տակ պէտք է լինել: Բարբարոսը՝ թէ լինի կարմիր հնդիկը Ամերիկայի սահմաններում, թէ աֆղանը Անգլիայի սահմանների վրայ, կամ թէ թուրքմանը Սիրիական հողի վրայ, հետևանքը միևնոյն է, Ամեն բանից վերջը լուսաւորուած մարդը գտնում է, որ խաղաղութիւնը կարող է պահպանել, միայն իր դրացի բարբարոսին նուաճելով—յաղթելով, որովհետև բարբարոսը, քիչ բացառութեամբ, միայն տեղի կը տայ ուժին: Ուժին պէտք է հետևէ ուղղավարութիւնը, եթէ խաղաղութիւնը հաստատուն անել կը ցանկացուի: Բայց առանց ուժի ուղղավարութիւնը ոչինչ է արժում: Մեր պատմութեան մէջ մենք աւելի դժուարութիւն ենք ունեցել հնդիկ ցեղերից, որոնց յափրեցրած ու փայփայած ենք, քան նրանցից՝ որոնց մենք դրկած ենք. և այդ ճշմարիտ է նոյնպէս Սիրիայի, Հնդկաստանի և Աֆրիկայի նկատմամբ:

Քաղաքակրթութեան ամեն մի ընդարձակումը խաղաղութիւն է տարածում: Ուրիշ խօսքով քաղաքակիրթ պետութեան իւրաքանչիւր տարածուիլը, նշանակում է մի յաղթութիւն կարգ ու կանոնի, օրէնքի ու արդարութեան համար: Այսպէս է եղած ամեն մի ընդարձակութեան օրէնքը ներկայ դարում, լինի դա թէ ֆրանսիական, թէ անգլիական, թէ ոռոսական և թէ ամերիկական ընդարձակումը: Ամեն անդամ լուսաւորուած պետութեան տարածուիլը օգտակար է եղած. հչ այնքան այն աէրութեան, որ անուանապէս օգտուած է եղել, որքան բոլոր աշխարհին: Ամեն անդամ հետևանքը ցոյց է տուած, թէ ընդարձակող պետութիւնը, իր պարտականութիւնն էր կատարուու դէպի քաղաքակրթութիւնը, աւելի մեծ չափով և նշանաւոր կերպով, քան թէ կարող էր կատարել մի հաստատուն ու անշարժ տէրութիւն: Վերցրեք օրինակի համար Ֆրանսիան և Ալճիրիան: Ներկայ դարի առաջին տասնեակի մէջ ծովահինութիւնը տիրում էր Միջերկրականի վրայ ամենասոսկալի կերպով և հաղարաւոր քաղաքակիրթ մարդիկ ամեն տարի քշում էին գերութեան մէջ Մաւրական ծովահիններով: Մի նուաստացուցիչ խաղաղութիւն գնուած էր քաղաքակիրթ ազգերի հարկ վճարելով: Մեր երկիրը հարկ վճարողներից մէկն էր, որ այսպէս Մուսլիմ ծովային աւազակախմբերին վճարում էր ար-

եան գին։ Մենք երբեմն պատերազմ մղեցինք նրանց դէմ։ իսկ Անգլիան աւելի մեծ ծաւալով, բայց խաղաղութիւն չեղաւ, որովհետև երկիրը չէր տիրուած։ Մեր վերջին տուրքը վճարուեց 1830-ին, և այդ վերջին լինելու պատճառն էր—Ֆրանսացոց Ալճիրիայի նուաճման սկսիլը։ Յիմար և զգայուն մարդիկ, այն մարդկանց նման, որոնք բանաստեղծութիւններ գրեցին Մահացիստների օգտին Անգլիայի դէմ, և որոնք այժմ գրում են փոքրիկ բանաստեղծութիւններ և վէտեր Անգլիալդոի օգտին Ամերիկացոց դէմ, հոչակեցին Ալճիրիայի աւագակներին իրրև հերոսներ, որոնք կուռու էին ազատութեան համար ֆրանսիացոց արշաւանքի դէմ։ Բայց ֆրանսիացիք շարունակեցին իրենց գործը—ֆրանսիան իր իշխանութիւնը տարածեց Ալճիրիայի վրայ և հետևանքը այն եղաւ, որ ծովահինութիւնը Միջերկրականի վրայից վերջացաւ և Ալճիրիան զարգացաւ այնպէս՝ որ երբէք տեսնուած չէր իր պատմութեան մէջ։ Միևնունը և աւելի մեծ չափով, եղած է Անգլիայի և Սուլդանի նըկատմամբ։ Անգլիայի իշխանութեան տարածուիլը Նեղոսի հովտի մէջ, անհաշիւ օգուտ է տուած քաղաքակրթութեանը։ Ով որ կարդացած է Աւտորիացոց կղերի և աշխարհականի պատմուածքները, որոնք բանտարկուած էին Մահացի իշխանութեան տակ—Սուլդանում, գիտէ որ երբ Անգլիան ջախջախեց նրան և նուաճեց Սուլդանը, մարդասիրութեանը անգին մի շնորք արեց և քաղաքակիրթ աշխարհը իրեն պարտաւորեցրեց։ Միևնունը ճշմարիտ է նա ևս Ռուսաստանի Ասիայի վրայ յառաջանալու նկատմամբ։ Ինչպէս Սուլդանի մէջ Անգլիայի յաղթութեան հետևանքը խաղաղութիւն եղաւ, և Մահացի կոտորածները դադարեց մշտնջենապէս, նոյնպէս Ռուսաստանի կենդրոնական Ասիայի խանութիւնների նուաճումը՝ նշանակեց բարբարոս պատերազմերի դադարումը, (որի ներքոյ Ասիական քաղաքակրթութիւնը արգելուած էր Ճինկիդ խանի օրեւորեց ի վեր) և նրա փոխարէն օրէնքի իշխանութեան հաստատուելը։ Քաղաքակրթութիւնը շահած է Ռուսաստանի յառաջացումովը, ինչպէս որ շահած է ֆրանսիական յառաջացումովը Հարաւային Աֆրիկայի մէջ, ինչպէս որ շահած է Անգլիայի արշաւանքովը Ասիայի և Աֆրիկայի մէջ, Կանադայի, Աւստրալիայի մէջ։ Ամենից վեր ամենամեծ շահն եղած է խաղողութիւնը։ Օրէնքի, կարգ ու կանոնի իշխանութիւնը յաջորդել է բարբարոս և արիւնալի եղեռնագործութեան իշխանութիւնը։ Մինչև մեծ քաղաքակիրթ ազգերի ներս քաշելը, բացի արիւնալի եղերնազործութիւնից, ոչինչ անելու պատեհութիւն չկար։

Սյսպէս է եղել նաևս մեր երկրի պատմութեան մէջ: Ի հարկէ ընդարձակուելը եղել է մեր ազգային պատմութեան ընթացքը: Վաշինկոնի և Աղամանի իշխանութեան ժամանակ, մենք տարածուեցինք դէպի Արևուտք-Միսիրի: Ճէֆէրսոնի ժամանակ մենք տարածուեցինք մինչև Կոլոմբիայի ըերանը, Մօնրոյի ժամանակ գնացինք դէպի Ֆլորիդա և յետոյ Թեքասս, Կալիֆորնիա և վերջապէս Մաստիայի միջոցով՝ գնացինք մինչև Ալասկա: Մեր ամնն մի նախագահի իշխանութեան ժամանակ, դէպի դաշտ ու Ապառաժ լեռները տարածուելը արագ կերպով—շարունակար տեսլ է: Մենք ունէինք մի սահմանագույն, որի զլիաւոր զբաղումը անվերջ կորուն էր—կարմիր մարդկանց և նորեկների մէջ: Երբեմն պատերազմի անմիջական պատճառը լինում էր ճերմակ մարդկանց ընթացքը և երբեմն էլ կարմիր, բայց վերջին պատճառը միայն այն էր, որ մենք շփում էինք մի երկրի հետ, որը լցուած էր վայրենիներով կամ կիսավայրենիներով: Որտեղից որ մենք մօտիկանուու ենք Կանադային, պատերազմի երկիւղ չկայ և ոչ էլ Մէքսիկայի սահմանագլխում լաւ կրթուած ժողովրդի հետ. բայց միւս կողմերում պատերազմը շարունակուեց, միեչև մենք տիրեցինք նրանց: Եւ յետոյ խաղաղութիւնը անմիջապէս յաջորդեց և հաստատուն մնաց մինչև ներկայ օրերը: Հարաւային Ամերիկայում, ինչպէս և ուրիշ տեղերում, ամբողջ աշխարհիս մէջ, քաղաքակիրթ աղգի տարածուելը, անտարբեր կերպով նշանակած է այն շրջանի աճումը, որի մէջ խաղաղութիւնը նորմալ է ընդհանուր աշխարհիս համար:

Միևնույն ճշմարիտ կը լինի և Ֆիլիպեանների նկատմամբ: Եթէ այն մարդիկ՝ որոնք պաշտպանած են ազգային նուաստութիւնը ու անպատճութիւնը քարոզելով թողնել Ֆիլիպեան կղզիները, տալ Ազգինալդօին կառավարելու այդ կղզիները, իրանց ուղածը ձեռք բերէին, մենք միայն յանձնած կը լինէինք այդ կղզիները արինաթափ յափշտակիչներին, մինչև մի քաջ և մարդանման այլ պետութիւն ներս կը բալէր և կ'անէր այն, որը մենք վախեցանք կատարելու, բայց ինչպէս որ անւում է, այս երկիրը պիտի պահէ, խաղաղեցնէ և հաստատէ այնտեղ կայուն և օրինաւոր կառավարութիւն, այնպէս որ երկրիս գեղեցիկ կետերից մէկը ևս խաւարի ուժի ձեռքից կորպած պիտի լինի: Էականապէս ընդարձակութեան պատճառը խաղաղութեան օգուտն է:

Քաղաքակիրթ ազգերի հետ պատերազմելու շատ բիչ վասնգ կայ: Խաղաղական ովկիանոսի մէջ, օրինակի համար, մեծ յառաջադէմ և գաղթող ազգերը Անգլիան և Գերմանիան Օգոստոս, 1906.

են, Անգլիայի հետ մենք ներկայումս սկսած ենք բարերարութեան, ինչպէս և բարեկամութեան կապը զգալ և նրա հետ մեր յարաբերութիւնը երբէք այդքան լաւ եղած չէ, և այդպէս պէտք է լինի նաև գերմանացոց հետ, ներկայումս իրերը Սամօյայի մէջ ուղղուած են, թէն այնաեղ մենք տանջուեցինք կառավարութեան ամենավատ տեսակից—կառավարութեան մի տեսակ, որի մէջ երեք տէրութիւնները միացեալ պատասխանատութիւն ունեն, (կառավարութեան մի տեսակը, լաւ միտքս եկաւ, որ մեր հակաիմպերիալստները գործնականապէս առաջարկեցին մացնել Ֆիլիպեան կղզիների մէջ, նրանց չէզօք գարձնելու պատրուակով): Այդ գլուխ եկաւ մեծ չափով, որովհետեւ երեք կառավարութիւնները բարի կամքով և դիտաւորութեամբ նստեցին գործելու և համաձայնութեան դալու, այնպէս որ բոլորի համար էլ հաւասարապէս արդարութիւն լինի: Սկզբնական կարգադրութեան մէջ Ամերիկայի և Գերմանիայի գործակատարները—Միստր Թրիփ և Բարոն Ստերնբուրին էին: Երբէք մի դժուարութիւն չի ծագել Գերմանիայի ու Ամերիկայի մէջ, որը լուծել կարելի չլինի, երկուսին էլ բաւականացուցիչ կերպով, եթէ պայմանագրութիւնը յառաջ տարուի այդպիսի անձինքներով, ինչպէս էին այդ երկուսը: Ինչ որ հարկադր է այն Է՝ որ խնդրին պիտի մերձնեալ ոչ թէ միայն յաղթելու համար, այլ հաւասարութիւն ու արդարութիւն անելու և մի միջոց գտնելու համար, որը պիտի գործէ, և մինոյն ժամանակ ճշշտիւ պատիւը:

Թէ ընդարձակուող թէ ընդարձակուող ազգերը կարելի է վերջապէս վար ընկնեն. բայց մէկը թողնում է ժառանգներ և փառաւոր յիշողութիւններ և միաւը թողնում է ոչինչ: Հոռվայեցիք ընդարձակուեցին և նրանք թողեցին մի յիշատակ, որը խորն կերպով ազդած է մարդկային պատմութեանը: Նըրանք նա ևս թողած են իրեւ ժառանգ իրենց մարմիններին, և բոլորից վեր, իրենց լեզուին և մշակմանը, այսպէս կոչուած, Ամերիկայի և Եւրոպայի լատինական ժողովուրդը: Նոյնպէս և այսօր, մեծ և ընդարձակող ժողովրդներն են, որոնք կտակում են ապագայ դարերի համար մեծ յիշատակներ և նիւթական հետեւանքներ իրենց յաջողութեան և այն ազգերը, որ ծագած են նրանցից՝ Անգլիան կանգնելով իրեւ ամենալաւ արքիտիպար և օրինակ բոլոր այդպիսի ազգերին: Բայց այն ժողովուրդը, որ չի ընդարձակուում թուլանում է և կարող է թողնել ոչ ինչ իր յետեւմ:

Աշխարհիս խաղաղութիւն կարող է տալ միայն քաղաքարիթ ժողովրդեան մէջ պատերազմասէր պետութիւնը: Արա-

բները խորտակեցին Միջերկրական ափերի քաղաքակրթութիւնը, թուրքերը խորտակեցին Հիւսիսարևելեան Եւրոպայի խաղղութիւնը և թաթարները աւերեցին Զինաստանից մինչև Ռուսաստանը ու Պարսկաստանը, այդ երկրների քաղաքակրթութիւնը դարեր յետաձգելով, միմիայն՝ որովհետև քաղաքակիրթ ազգերը, որոնք նրանց դէմ էին, կորցրած էին ուժգին կռուելու յատկութիւնները և չափազանց խաղաղ լինելով կորցրած էին զօրաւոր ձեռքի հետ խաղաղութիւն պաշտպանելու ոյժը։ Նրանց անհետանալը սկիզբը դրեց մի կարգ քաօսական բարբարու պատերազմների շրջանի։ Նրանք՝ որոնց յիշողութիւնը կարճ չէ, որ մոռացած լինեն յունաց պարտութիւնը թուրքերից, իտալացոց պարտուիլը արիսինցիներից և սպանիյացոց տկար պատերազմիլը Մորոզօյի դէմ, պիտի լաւ ըմբռնեն, որ ներկայ բոպէիս Միջերկրականի ափերը կը յափշտակուէր թուրքերովը կամ թէ Սուլանի մահղիներովը, եթէ այդ պատերազմասէր բարբարոսները միայն չվախ ունենային Հիւսիսային-Եւրոպական տէրութիւններից, որոնք կռուելու էջը կորցրան են։ Աղպիսի մի բարբարոսական նուաճում կը նշանակէ անվերջ պատերազմ։ և այն իրողութիւնը՝ որ այժմ հակառակն է տեղի ունենում և որ բարբարոսները կամ նուաճում են և կամ նահանջում, այն հետևանքով որ խաղաղութիւնը հետեւում է Նրանց նահանջմանը կամ նուաճմանը, պարտաւոր է միայն զօրաւոր քաղաքակիրթ ցեղերի ուժին, որոնք կռուելու ինստինկտները կորցրած չեն, և որոնք իրենց ընդարձակմամբ հետզհետէ խաղաղութիւն են բերում կարմիր անապատների մէջ, ուր երկրիս բարբարոս ժողովուրդներն են իշխում։

ԲԺ. Ե. Տ. Մարգիս